

道門科範大全集卷之九

廣成先生杜光庭剛定

消災星曜儀

散壇行道

法事陸壇如式

都講舉各禮師存念如法

高功宣衛靈呪

五星列照 煥明五方 水星却災 木德教昌

榮感消禍 太白辟兵 鎮星四據 家國利亨

名刊玉簡 字錄帝房 乘飈散景 飛騰太空

出入冥無 遊宴十方 五雲浮蓋 招神攝風

役使萬靈 上衛仙翁 和與道合真

都講舉鳴法鼓二十四通

高功發爐

無上三天玄元始三炁太上老君召出巨等

身中三五功曹左右官使者左右捧香驛龍

騎史侍香金童傳言散花玉女五帝直符直

日香官使者各三十六人出出者嚴裝顯服

冠帶垂纓闕啓此間土地方域神真臣令設

醮朝修謹奏為入意其諸丹烟具載疏文願

得

太上十方正真生炁靈寶瑞光下降流入臣

等身中令臣所奏之誠速達徑御

至真元極大道

三清上聖

昊天金闕玉皇上帝 御前

請稱法位

具位臣恭與醮壇官衆等謹同誠上啓

虛元自然元始天尊太上玉晨大道君太上

金闕老君太上昊天玉皇上帝九皇至尊十

方靈寶天尊諸天大帝三十六部尊經玄中

大法師上相上宰上保上傳三官五帝十一

大曜星君十神太一真君南斗六司星君北

斗七元星君周天乾象二十八宿十二宮神

三百六十五度諸天列宿本命元辰天曹職

司九天真宰三山五嶽福地靖廬厚地洞宮

嶽瀆主宰三界應感一切真靈臣聞昔在延

康氣未分於清濁肇判太極形乃正於方圓

一生二而三生三地法天而天法道上羅星

斗下列山川三清為衆聖之尊四府受萬靈

之職杳冥之外恍惚之中或結煙以成宮或

聚雲而作殿群仙羅列上朝浩劫之尊萬象

回旋高拱紫微之帝以至大千沙界無極神

鄉府有泉曲之名山有羅鄩之號官則掌於

天地水局則分於左右中三十六曹二十四

獄杳杳齧岫浩浩鵬鯨揚波而噴雲雷蜃

吐霧而成樓閣金臺玉觀隔弱水以無邊蛟

室龍宮鎮深淵而莫測陽間衆聖廟食尊神

誠能禦於大蓄或以化而勤事黃帝正名百

物后土列位九州乃至郡邑之封城隍之守

為國家者有杜稷焉載於祀典之文合於聖

王之法是以太虛清朗列宿榮煌燈交蘭芷

之光香裊沉檀之炷伏望鸞駉鶴馭翩聯齊

下於遙天風馬雲車絡繹俯臨於凡界巨與

代禮官等謹稽首再拜奉迎聖駕

降兩班聖位

三界衆真醮筵列聖向伸拜請諒沐光臨請

各整於仙班共祇迎於

帝馭

降帝 雲輿

鸞輿至止鶴駕臨軒與醮列真如儀朝禮朝禮既周請陞醮席禮官上香設拜初進酒

知磬舉散花 奏樂

具位臣某與臨壇官眾等謹重誠上啓

三清上聖寶界真靈巨闡鬱羅蕭臺太上所居之處大浮黎土天學說法之時感一國以傾心召十方而詣座初登獅子之上次入寶珠之中接引衆生敷揚妙道始於一遍則聾病皆愈終於十回則枯骨成人四杰朗清悉神光於宇宙五色鬱勃益仙仗於虛徐自是正法恢張真詮流布上以消於災變下以度於人民兩曜無此而不明二儀無此而不立非真人莫之能悉惟上士可以力行若夫太上降於周初天師生於漢世傳拜表上章之法示建齋設醮之儀可謂炳若丹青昭然日月顧慚臣等謬列仙班蓬心未達於玄關高目難窺於聖域抱黃回紫那曉於七液周流出青入玄豈明於二氣吐納修真既味濟世為先念醮主某身處凡籠心皈至道舉族齊莊之致禱稽首皈命以迎真伏惟

天象高明報應猶如於影響凡情懇切祈禳莫若於純誠故黍稷以非馨惟蘋蘩之可薦所陳丹悃具在詞文仰對高真謹當宣奏

宣詞

按如詞言誠深修奉所宜騰奏必獲感通巨聞開明三景教落玉篇此乃謂之天根故能保於劫運元網流演既周而於十方梵氣彌羅乃生成於萬物至於首出庶物陰陽下民司災福則有星曜以推移示感應則有雷霆之震怒惟

皇上帝獨主御於群生彼蒼者天實覆臨於下土故有修禳之法以為醮謝之方醮主某伏念性本控洞生為假借託聖主休明之運染中華禮義之風貪嗔癡癡豈免於過說身口意寧無於罪咎爰從多劫乃至今生或事君以未忠或養親而不孝捨慈捨儉或違三寶之文行盜行姪或犯九真之戒愛憎在念詭曲存懷指天地以詛盟引神祇而呪誓賢運交易惟利己以虧人動作施為輒乖真而背道俯逐走獸仰射飛禽縱殺生於刀凡之間

恣權樂於杯盤之上遂使業深滄海罪積丘山三尸奏於上穹五帝言於地府司命奪算不善而有餘殃天道禍淫獲罪而無所待今茲懺悔並願消除仰憑

太上之恩俯赦多生之罪自今已往寧忘改過之心來者可追庶獲自新之路臣與醮官等無任激切之至再拜上香酒陳亞獻臣某等謹同誠上啓

三清上聖寶界真靈巨闡大道無形強名曰道萬物歸而不為主百姓用而莫能知到襄城之野則七聖皆迷聽東郭之言則九年大妙副墨初開於洛誦玄冥得自於象家方求魚則未可以忘筌欲盡意則莫先乎立象然後知色不色玄覽可以無疵觀空亦空虛室從而生白盡性則始於日損復命則終於無為入眾妙門離諸疑網三十六部五千餘言或傳受於人間或秘藏於天上崇奉敬禮者獲福輕泄漏慢者招殃醮主某重念草芥微生昆蟲薄類望高穹而注想瞻碧落以投誠猶願祭魚顧有感通之德如葵向日惟傾祈

仰之心所以誦三洞之經文伸三時之香火  
 璇璣皆轉而諸天祚到琳琅振響而萬神皆  
 聽託茲甚重之功求介不回之福上消陽九  
 之數下禳百六之災長幼康寧內外清肅上  
 生監簿標名姓於丹臺注算真君增壽年於  
 青簡長生久視日宮月昌享五福之全躋降  
 百年之有永必有餘慶允符大易之文消諸  
 不祥克叶仙經之語巨與醮官等無任懇祈  
 之至再拜上香酒陳終獻

奏樂

具位巨某與臨壇官眾等謹同誠上啓  
 虛无至聖三界群真恭望洪慈洞回昭鑒巨  
 聞至道宏深叩之匪易真慈香邀格以甚難  
 况蒙降鑒之私無殆吉蠲之薦矧敢施薄而  
 望重在誠詞切以志懇固有瀆於聖聰願少  
 回於真聽醮主某叨生之後惟善是從慮三  
 業之愆非玷列曹之筆牘星文會合爰數當  
 謹依科式嚴列詞情沐浴身心精誠關奏冀  
 升元極承副凡情乞為醮主某上消天災下

散地禍解除一年之內四季之月五星行度  
 四柱相刑不祥一切之災貴使壽算遐長如  
 松椿之有永災屯不作若蘭蕙之馨香門闕  
 光華子孫榮盛輯寧景化沐詠淳風三光明  
 照於上穹九稼滋豐於下土邊烽罷警荒微  
 歸仁山川效祥神明會福三塗六趣俱息幽  
 牢動植飛沉咸均養育天司地府月職幽僚  
 嶽瀆山川神明正秩揚道風而助化蕩邪滲  
 以安人上願天地節而四時成陰陽和而萬  
 物遂巽風坎雨每潤浹於田疇旱魃水妖無  
 侵凌於分野鬼神滅爽時疫不敢流行神明  
 護門怪異自然消伏溥天率土壽域春臺巨  
 等無任恭虔再拜獻湯

奏樂

重稱法位

具位巨某與臨壇官眾等謹同誠上啓  
 大羅九皇至尊十方上聖三界應感一切真  
 靈巨聞上極圓羅下窮方載無邊列聖有位  
 真仙或領金闕瓊宮或治鄴都岱嶽或居河  
 海或主壇祠其降也浮空而來其去也不行

而至萬騎齊動擁儀仗之自然九鳳交鳴駕  
 風雲而迅速巨等仰瞻雲馭已在青霄徒切  
 傾心謹當拜送

知磬舉送聖頌

都講舉存神燒香

香官使者左右龍虎君侍香諸靈官當令巨  
 設醮朝修之所自然生金液丹碧芝英百靈  
 眾真交會在此香火爐前當願十方仙童玉  
 女接待蘭煙傳巨向來所啓之誠速達徑御  
 至真无極大道

三清上聖

昊天金闕玉皇上帝 御前

舉寶花圓滿天尊

送神 化財 向來 回向 禮畢

道門科範大全集卷之九

三十一

二十

奏樂